

ԵՐԵՎԱՆԻ ԼԵՈՅԻ ԱՆՎԱՆ Հ.65 ԱՎԱԳ ԴՊՐՈՑ ՊՈԱԿ

*ՀԵՐԹԱԿԱՆ ԱՏԵՍՏԱՎՈՐՄԱՆ ԵՆԹԱԿԱ
ՈՒՍՈՒՑԻՉՆԵՐԻ ՎԵՐԱՊԱՏՐԱՍՏՄԱՆ ԴԱՍԸՆԹԱՑԻ
ՀԵՏԱԶՈՏԱԿԱՆ ԱՇԽԱՏԱՆՔ*

Առարկա՝ Պատմություն

Մասնակից՝ Թորոսյան Լուսինե Սամվելի

Ղեկավար՝ Սաֆարյան Արմինե

Հետազոտության թեման՝ ՊԱՏՄՈՒԹՅԱՆ ՈՒՍՈՒՑՉԻ ՄԱՍՆԱԿՑՈՒԹՅՈՒՆԸ
ՀԱՍՏԱՏՈՒԹՅԱՆ ԱՌԱՐԿԱՅԱԿԱՆ ՄԱՍՆԱԽՄԲԻ ԱՇԽԱՏԱՆՔՆԵՐԻՆ

Երևան 2023թ.

ԲՈՎԱՆԴԱԿՈՒԹՅՈՒՆ

Բովանդակություն 2

Ներածություն.....3

ԳԼՈՒԽ.1 ՊԱՏՄՈՒԹՅԱՆ ՈՒՍՈՒՑՉԻ ՄԱՍՆԱԿՑՈՒԹՅՈՒՆԸ ՀԱՍՏԱՏՈՒԹՅԱՆ

ԱՌԱՐԿԱՅԱԿԱՆ ՄԱՍՆԱԽՄԲԻ ԱՇԽԱՏԱՆՔՆԵՐԻՆ

1.1 Մեթոդական միավորման կառուցվածքն ու գործառույթները.....5

1.2 Պատմության ուսուցչի մասնակցությունը հաստատության մեթոդական
միավորումների աշխատանքներին..... 10

Եզրակացություններ16

Առաջարկություններ..... 16

Օգտագործված գրականության ցանկ 17

Հավելվածներ-----18

ՆԵՐԱԾՈՒԹՅՈՒՆ

Սովորողն այսօր խիստ պահանջկոտ է: Շատ հաճախ ուսուցիչը ստիպված է լինում ընդհատել դասի ընթացքը, որպեսզի պատասխանի սովորողի կողմնակի հարցին, բավարարի նրա հետաքրքրությունը: Ուրեմն կարիք կա, որ դասի ընթացքում ուսուցիչն անդրադառնա այնպիսի հարցերի ևս, որ շահագրգռի ու հետաքրքրի սովորողներին: Կարծում ենք, որ դասի ժամանակ ճիշտ ու կառուցողական իրավիճակների ստեղծումը կապված է ուսուցչի հմտության ու մասնագիտական պատրաստվածության հետ: Ուսուցչի համար զարգանալու, փորձի փոխանակման կարևոր աղբյուր է գործընկերների հետ համագործակցումը, որ երկուստեք օգնում է ուսուցիչներին զարգացնել իրենց մասնագիտական կարողունակությունները: Իսկ արհեստավարժ ու բանիմաց ուսուցիչը կարողանում է հետաքրքրել սովորողին, կառավարել դասն ու սովորողների վարքը:

Մեթոդական միավորումները ուսուցիչներին տալիս են համագործակցելու, փորձի փոխանակման, հետաքրքիր ու նորարարական մտքեր քննարկելու հնարավորություն: Դպրոցում գործող խորհրդակցական ամենաստորին մարմինները առարկայական մեթոդական միավորումներն են: Մեթոդական աշխատանքը դպրոցում մի մանկավարժական համակարգ է, որի աշխատանքը հիմնված է ուսուցիչների համագործակցության վրա՝ նպատակ ունենալով ուսումնադաստիարակչական գործընթացը կազմակերպել ավելի նորովի ու համակարգված: Մեթոդական միավորումների անդամներն ուսումնական հաստատության ուսուցիչներն են, ովքեր իրենց նվիրված աշխատանքն ուղղում են դեպի դպրոցի ու սովորողների շահերը:

Աշխատանքն այստեղ ուղղված է ուսուցիչների մասնագիտական որակների, մեթոդական գիտելիքների բարձրացմանը: Միավորման ներսում շատ կարևոր է

յուրաքանչյուր ուսուցչի անհատական դերկատարումը: Կարծում ենք՝ այս օղակի արդյունավետ աշխատանքից շատ բան է կախված՝ այդ թվում կրթության որակը:

Հետազոտության թեմայի արդիականությունը: Թեմայի արդիականությունը պայմանավորված է զարգացող աշխարհում ուսուցչի համար սահմանված նոր պահանջներով, որոնց բավարարման մի յուրահատուկ եղանակ է աշխատանքը դպրոցի մեթոդական միավորման շրջանակներում, որտեղ ուսուցիչը, ծավալելով զանազան բնույթի աշխատանքներ, զարգացնում է իր մանկավարժական որակներն ու ձեռք բերում բազմաթիվ անհրաժեշտ ու պահանջված կարողունակություններ:

Հետազոտության նպատակը: Կարևորել մեթոդական աշխատանքը դպրոցում, ցույց տալ ուսուցիչների արդյունավետ համագործակցության դրական միտումները:

Հետազոտության խնդիրը: Ձևակերպել մեթոդական միավորման՝ որպես խորհրդակցական մարմնի կառուցվածքն ու հիմնական գործառույթները դպրոցում: Հիմնավորել մեթոդական միավորումների անհրաժեշտությունը դպրոցում:

ԳԼՈՒԽ 1. ՊԱՏՄՈՒԹՅԱՆ ՈՒՍՈՒՑՉԻ ՄԱՍՆԱԿՑՈՒԹՅՈՒՆԸ ՀԱՍՏԱՏՈՒԹՅԱՆ ՄԱՍՆԱԽՄԲԻ ԱՇԽԱՏԱՆՔՆԵՐԻՆ

1.1 Մեթոդական միավորման կառուցվածքն ու գործառույթները

Ժամանակակից աշխարհի առաջընթացի աննախադեպ աճով պայմանավորված՝ կրթական ոլորտը բարեփոխվում ու արդիականացվում է: Ուսուցիչների աշխատանքային գործունեության համար պարտադիր պայման է դառնում համապատասխան նոր մեթոդամանկավարժական գիտելիքներով համալրել իրենց մասնագիտական գործունեությունը: Այս գործընթացում հաջողության հասնելու համար ուսուցչին օգնում է դպրոցում գործունեություն ծավալող մեթոդական միավորումները, որտեղ կոլեկտիվ աշխատանքը ուսուցչի համար ստեղծում է հնարավորություն սովորել, սովորեցնել, ուսումնասիրել, հետազոտել՝ բարձրացնելով իր մասնագիտական որակները:

Մեթոդմիավորումների կազմման հարցում որոշում կայացնողը դպրոցի մանկավարժական խորհուրդն է: Մանկավարժական խորհուրդը խորհրդակցական մարմին է, որը կազմավորվում է մանկավարժական համակազմի օգոստոսյան առաջին նիստում: Մանկավարժական խորհուրդը ձևավորվում է տնօրենի հրամանով՝ մեկ ուսումնական տարի ժամկետով: Մանկավարժական խորհրդի անվանական կազմը գրանցվում է մանկավարժական խորհրդի արձանագրությունների մատյանում¹:

Խորհրդի նիստում խորհրդակցական մարմնի անդամները քննարկում են մեթոդական միավորումների կազմման հարցն ու անհրաժեշտության դեպքում ընդունում այն: Աշակերտների թվով պայմանավորված՝ հանրակրթական ուսումնական հաստատություններում այդուհետ ձևավորվում են առարկայական մեթոդական միավորումներ մոտ կամ հարակից առարկաներից:

¹ <https://www.arlis.am/documentview.aspx?docid=114876> ՀՀ Կառավարության որոշում:

Առարկայական մեթոդական միավորումներն ստեղծվում են նույն առարկայի երեք
և ավելի ուսուցիչների առկայության դեպքում: Մյուս դեպքերում կարող են
ձևավորվել մեթոդական միավորումներ՝ հարակից առարկաների ուսուցիչներից:
Դասվարների համար ստեղծվում է տարրական կրթության մեթոդական միավորում²:

Այսպիսով, առարկայական մեթոդական միավորումը ուսումնական
հաստատության մեթոդամանկավարժական գործունեության հիմնական
կառուցվածքային տարրն է, որն իրականացնում է ուսումնական, դաստիարակչական,
մեթոդական և արտադասարանական աշխատանքների համակարգումը դպրոցում:
Մեթոդական միավորումների թիվը որոշվում է՝ ելնելով ուսումնական
հաստատության կողմից հանձնարարված խնդիրների համալիր լուծման
անհրաժեշտությունից և հաստատվում դպրոցի տնօրենի հրամանով: Մեթոդական
միավորումները ստեղծվում, վերակազմակերպվում և լուծարվում են դպրոցի տնօրենի
կողմից՝ ուսումնական աշխատանքների գծով տեղակալի առաջարկությամբ:
Մեթոդական միավորումները անմիջականորեն ենթակա են ուսումնական
աշխատանքների գծով փոխտնօրենին:

Հանրակրթական ուսումնական հաստատության ուսումնական գծով տնօրենի
տեղակալի պաշտոնային պարտականություններից է՝ ղեկավարել առարկայական
մեթոդական միավորումների աշխատանքները, ընդհանրացնել և տարածել
մանկավարժական աշխատանքի արդյունավետ փորձը, աջակցել ուսուցման նոր
մեթոդների ներդրմանը, ուսուցիչներին հաղորդակից դարձնել գիտության և
մանկավարժության նորագույն նվաճումներին³:

Կրթության առաջին՝ տարրական օղակը, որպես կանոն, կազմում է իր
առարկայական մեթոդական միավորումը. դասվարների համար ստեղծվում է
տարրական կրթության մեթոդական միավորում: Միջին և ավագ դպրոցների
ուսուցչական կազմն ընդգրկվում է այլ առարկայական
ստորաբաժանումներում՝ հումանիտար, բնագիտական, ռազմահայրենասիրական,

² Նույն տեղում

³ Նույն տեղում

ընդհանրական: Առարկայական մեթոդական միավորման նիստերի ընթացքում նախագահը, ով վարում է նիստը, ծանոթացնում է նախօրոք կազմված օրակարգին, որի հաստատման դեպքում, նիստի ընթացքն արձանագրվում է:

Նիստում քննարկված յուրաքանչյուր հարցի վերաբերյալ ընդունվում են որոշումներ, որոնք տեղ են գտնում արձանագրության մեջ: (տես՝ հավելված1): Դպրոցի առարկայական մեթոդական միավորումները կարող են անցկացնել նաև ինտեգրված քննարկումներ մի քանի օղակներով: Նիստի ընթացքում կարող են քննարկվել հետևյալ հարցերը.

- քննարկում է հանրակրթական առարկայական չափորոշիչներին համապատասխան ուսումնական ծրագրերի, ուսումնական պլանների նախագծերը, նոր փորձարկվող դասագրքերը, մեթոդական ձեռնարկները և դրանց քննարկումների վերաբերյալ ուսուցիչներին (դասվարներին) տալիս երաշխավորություններ:
- քննարկում է կրթության առանձնահատուկ պայմանների կարիք ունեցող սովորողի անհատական ուսուցման պլանը:
- քննարկվում է դպրոցում նախատեսվող ուսումնադաստիարակչական միջոցառումների, պետական և այլ նշանակության տոների կազմակերպման ու անցկացման, հիշատակի օրերի, ոգեկոչման արարողությունների կազմակերպման ու անցկացման հարցը:
- քննարկվում է դպրոցում նախատեսվող մրցույթների, վիկտորինաների, ընթերցումների կազմակերպման ու իրականացման հարցը;
- դպրոցում այս կամ այն առարկայի միամսյակ հայտարարելու հարցը:
- աշխատանքն արդյունավետ բաժանելու հարցը:
- դպրոցում գործող խորհրդակցական այլ մարմինների հետ համագործակցելու հարցը:
- քննարկվում է սկսնակ ուսուցիչներին մեթոդամանկավարժական ուղղորդում տալու և փորձի փոխանակումն արդյունավետ իրականացնելու հարցը:
- այլ հարցեր:

Մեթոդական միավորման աշխատանքները ղեկավարում է դպրոցի տնօրենի կողմից առաջարկված և մանկավարժական խորհրդի հավանությանն արժանացած ամենափորձառու ուսուցիչներից մեկը, ով աչքի է ընկնում նաև իր մարդկային որակներով, կառավարման փորձով ու մասնագիտական ու մեթոդամանկավարժական գիտելիքներով:

Մեթոդական միավորման աշխատանքներն իրականացվում են ընթացիկ ուսումնական տարվա աշխատանքային պլանին համապատասխան, պլանը կազմում է մեթոդմիավորման ղեկավարը, քննարկվում մեթոդմիավորման նիստում՝ նախօրոք համաձայնեցնելով մեթոդական գծով փոխտնօրենի հետ: Մեթոդական միավորումների գործունեության նկատմամբ հսկողությունն իրականացնում են դպրոցի տնօրենը և ուսումնական գծով տնօրենի տեղակալը: Առարկայական մեթոդմիավորի շրջանակներում միավորման համատեղ աշխատանքի ընթացքում ուսումնասիրում, ընդհանրացնում են մանկավարժական առաջավոր փորձը և այդ փորձը ներդնում պրակտիկ աշխատանքում: Այստեղ ուսուցիչները հաղորդակից են դառնում մանկավարժության նորագույն նվաճումներին, որն իրենց ավելի է ոգևորում:

Առարկայական մեթոդական միավորումներն իրենց կատարած մատենավարական աշխատանքներով հաշվետու են ուսումնական գծով փոխտնօրենին: Այդպիսի փաստաթղթերից են.

- մեթոդական միավորման տարեկան աշխատանքային պլանը:
- մեթոդական միավորման նիստերի արձանագրությունները:
- անցած ուսումնական տարվա աշխատանքի վերլուծությունը:
- առարկայական մեթոդական միավորման անդամների կատարած մեթոդական, ուսումնադաստիարակչական հետազոտությունները:
- փոխադարձ դասալսումների արձանագրությունները:
- իրականացված հանդիպումների, կոնֆերանսների, սեմինարների, կլոր սեղանների հաշվետվությունները:

- ատեստավորում անցած ուսուցիչների հավաստագրերը:
- իրականացրած արտադպրոցական միջոցառումների հաշվետվությունները:
- հաշվետվություն անհրաժեշտ մեթոդական ու դիդակտիկ աջակցության մասին:

Բոլոր մեթոդական միավորումներն իրականացնում են առարկայի վերաբերյալ ժամանակակից ուսուցման հայեցակարգերի ուսումնասիրություններ, վերահսկում դասավանդման արդյունավետությունը՝ օգտագործելով այլընտրանքային միջոցներ, գործիքներ ու դասագրքեր: Եթե մեթոդական աշխատանքը դպրոցում լավ է կազմակերպված, ապա հնարավոր կլինի ընդգծված կերպով բարձրացնել ուսումնադաստիարակչական գործընթացի որակը:

Հանրակրթական դպրոցում ուսուցիչների համագործակցության գործընթացը պետք է իրականացվի անշահախնդիր, մանկավարժն այստեղ չպետք է փնտրի անձնական շահ, հիմնական վերջնարդյունքը պետք է սահմանել՝ հաշվի առնելով սովորողի շահը: Կրթական միջավայրի մարտահրավերները կառավարելու, մասնագիտական կարողունակությունները զարգացնելու, ուսուցման տարբեր ռազմավարություններ մշակելու և իրականացնելու ժամանակ շատ կարևոր է համագործակցային միջավայրի ստեղծումը գործընկեր ուսուցիչների համար:

Ուստի ուսուցիչներին պետք է միավորի փոխադարձ վստահությունը, թիմային համերաշխությունը, միմյանց աջակցելու ազնիվ մղումն ու պատրաստակամությունը:

1.2 Պատմության ուսուցչի մասնակցությունը հաստատության առարկայական մասնախմբի աշխատանքներին

Ուսուցչի համար գործընկերների հետ համագործակցությունը խիստ կարևոր նշանակություն ունի: Օրինակելի փորձը, որը սկսնակ ուսուցիչը կարող է վերցնել ավագ ու փորձառու գործընկերներից, մեծապես նպաստում է, որպեսզի ուսուցիչն արդեն գործնականում պատկերացում կազմի այս կամ այն խնդրո առարկայի վերաբերյալ: Ուստի սովորել սովորեցնելով բանաձևն այստեղ լայն կիրառելի է:

Այն ուսուցիչները, ովքեր ավելի փորձառու են, տեղեկացված են ավելի հետաքրքիր, արդյունավետ ու համարձակ դասավանդման մեթոդներին: Այս պարագայում հավանականությունն ավելի մեծ է, որ վերջիններս կարող են կառուցել արդյունավետ անհատական դասեր և ապահովել շարունակական ուսուցում: Նրանք ի վիճակի են կազմել և ընտրել դասավանդման այնպիսի մեթոդներ և միջոցառումներ, որոնց միջոցով համապատասխանաբար զարգացվում են աշակերտների ըմբռնումը և հմտությունները: Ստացվում է, որ օրինակելի փորձի փոխանակումը կարող է մոտիվացնել սկսնակ, ոչ հմուտ ուսուցիչներին ամեն կերպ գտնել ճանապարհներ նոր հմտություններ ու կարողությունների ձեռքբերման համար:

Այստեղ իրականացված բազմաբովանդակ գործառնությունները օգնում են ուսուցչին համակարգել իր ողջ մարդկային ներուժը, աշխատանքին մոտենալ ստեղծագործաբար, գնալ նոր ու հետաքրքիր գաղափարների որոնման ճանապարհով, ինչի արդյունքում աշխատանքը դառնում է համակարգված ու արդյունավետ: Ուսումնական գործընթացը համակարգվում է, քանի որ մի նպատակի իրագործման համար աշխատում է մանկավարժների ամբողջ մի թիմ, բացառվում է ցանկացած անհատական շահ, բոլորը գործում են՝ նպատակ ունենալով համակարգել ուսումնադաստիարակչական գործընթացն ու բարձրացնել կրթության առաջնային շահակիցների՝ սովորողների կրթության որակը:

Կրթության որակ հասկացությունը սերտորեն առնչվում է կրթության մատչելիությանը և, չնայած սրանք երկու տարբեր հասկացություններ են,

այնուամենայնիվ փոխլրացնում են միմյանց: Եթե կրթության որակը հնարավոր չէ առանց կրթության մատչելիության, ապա մատչելիությունը իմաստագրվում է առանց համապատասխան կրթական որակի ապահովման: Որակյալ կրթությունը միտված է ապագային և ենթադրում է ոչ միայն նախկինում առկա գիտելիքների ուսուցանում և յուրացում, այլև նոր գիտելիքների ստեղծում անհատապես կամ կոլեկտիվ եղանակով: Գիտելիքաստեղծ գործունեությունը որակյալ կրթության հիմքերից է, որը կարող է բերել գիտելիքահեն տնտեսության, ժողովրդավարական հասարակարգի զարգացման, կյանքի զարգացման նոր ուղիների ու մոդելների ստեղծման ու զարգացման⁴:

Ստացվում է, որ կրթության որակ ու մատչելիություն հասկացությունները խիստ համադրելի են, ուստի մեթոդական միավորման անդամ ուսուցիչները ևս պետք է իրենց գործունեության հիմքում դնեն մատչելիությունն ու հասանելիությունը:

Մեթոդական միավորումներն իրենց աշխատանքը պլանավորելիս պետք է հաշվի առնեն կրթության առաջնային շահակիցների՝ սովորողների շահերը: Սովորողը նույնպես որոշակի կերպով, թեկուզ անուղղակի միջամտությամբ կարող է մասնակցել կրթական համակարգի այս կամ այն օղակի աշխատանքներին: Սովորողների մասնակցությունը կրթական գործընթացին ենթադրում է, որ նրանք պետք է դառնան այդ գործընթացի գործընկերային կողմ՝ իրենց դերերով, պատասխանատվությամբ ու իրավասության շրջանակով: Այս սկզբունքի համաձայն սովորողի ու ուսուցչի միջև պետք է գործի համագործակցություն, վստահություն, և հարգանք, քանի որ կրթողները իրենք ևս սովորողներ են և սովորողը կարող է աղբյուր հանդիսանալ կրթողի համար նոր գիտելիքների ձեռքբերման համար⁵:

⁴ <http://ipp.am/wp-content/uploads/2018/01/Research-on-Quality-of-education01.08.2017.pdf> Կրթության որակի ընկալումները հանրակրթական համակարգում, էջ4:

⁵Նույն տեղում, էջ 15:

Աջակցող կրթական միջավայրը կրթական գործընթացի կարևորագույն կողմերից է, որտեղ պետք է գերիշխի փոխադարձ վստահության մթնոլորտը, հարգանքը, ինչն իր հերթին խթան է հանդիսանում ստեղծագործականության և ինքնուրույնության համար: Այն իր հերթին կարևորում է կոլեկտիվ ուսուցումը և ամրապնդում սովորողների միջև հարաբերությունները: Այս տեսանկյունից կարող ենք նկատել, որ սկսնակ ուսուցչին մեթոդական միավորման ներսում ևս կարող ենք դիտարկել որպես «սովորող», ուստի գործընկերների կողմից պետք է ստեղծվի փոխօգնության, աջակցման միջավայր, այլ խոսքով՝ մեթոդական միավորման նախագահն ու փորձառու անդամները պետք է առաջնորդվեն ժողովրդավարական և ոչ-խտրական սկզբունքներով՝ հարգելով բազմազանությունն ու հանդուրժողականությունը:

Եթե փորձենք վերլուծել ուսուցչի անհատական աշխատանքն ու ֆունկցիոնալ պարտականությունները մեթոդական միավորման ներսում, ապա պարզ է դառնում, որ ուսուցիչների զբաղվածությունն ավելանում է աննշան չափով: Այն գործառույթները, որոնք ուսուցիչն իրականացնում է միավորման ներսում, բացառապես նպաստում են վերջինիս մանկավարժական հմտությունների ձեռքբերմանն ու արդյունավետ գործունեություն իրականացնելուն:

Ուսուցչի մասնակցությունը մեթոդական միավորմանը նպաստում է մասնագիտական վարպետության, մեթոդական կուլտուրայի, ստեղծագործական ներուժի բարձրացմանը: Մեթոդական աշխատանքների իրականացման հիմնական ձևերից են.

- դասախոսություն, սեմինար, գործնական սեմինար;
- ստեղծագործական բանավեճ;
- հյուրասրահ, կոլեկտիվ ստեղծագործ աշխատանքի ժամ;
- գործնական խաղեր, իրավիճակային ուսուցում, դերային խաղեր, առարկայական շաբաթներ;
- մեթոդական մրցույթներ, մեթոդական զեկու ցումներ, մեթոդական գաղափարների տոնավաճառ, մեթոդական վարպետության դասեր;

- բանավեճեր, որոնողա-ստեղծագործական աշխատանքներ, նախագծեր:
- մանկավարժական մարաթոն, մեթոդական փառատոն(տես՝ հավելված 2)

Ձևաչափի ընտրության առումով ոչ մի սահմանափակում չկա: Յուրաքանչյուր մեթոդական միավորման անդամ կարող է հանդես գալ իր առաջարկով՝ բերելով իր նորարարական միտքը:(տես՝ հավելված 3) Մեթոդական միավորման անդամները կարող են ստանալ հատուկ հանձնարարություններ, որոնց արդյունքները կքննարկվեն նիստերի ժամանակ: Նմանօրինակ հանձնարարություններից են.

- դասի մոդելավորում՝ որոշակի մեթոդների կիրառմամբ:
- տրված թեմայով դասերի մշակումներ:
- որոշակի թեմայով հետազոտություններ կատարելու ծրագրերի մշակում:
- ըստ որոշակի թեմայի, պրոբլեմի գրականության ընտրություն:
- ստուգիչ նյութերի, թեստերի կազմում:
- հուշագրերի, դիդակտիկ նյութերի կազմում, պատրաստում:
- առարկայական, արտադասարանական միջոցառումների մշակում և իրականացում:
- այցելություններ դասերի, արտադասարանական միջոցառումների՝ վերլուծություններով:
- տրված թեմայի, խնդրի վերաբերյալ սեփական փորձի ներկայացում:
- աշխատանք՝ ինքնակրթության համար ընտրված թեմայի շուրջ:
- որոշակի պրոբլեմի շուրջ զեկուցման նախապատրաստում:
- ուսումնասիրած թեմայի, խնդրի շուրջ շնորհանդեսի նախապատրաստում:
- սեփական հետազոտությունների շրջանակում ձեռքբերումների ներկայացում:

Առարկայական մեթոդախմբումների աշխատանքներում առանձնակի կարևորություն է տրվում նաև ուսուցիչների ինքնակրթության կազմակերպմանը:

Մանկավարժական վարպետության կատարելագործման նպատակով մեթոդախմբումը կազմում է դասերին փոխադարձ այցելությունների պլան-գրաֆիկ: Ինչպես վերը նշել էինք՝ մեթոդախմբման աշխատանքում մեծ նշանակություն ունի վարպետ ուսուցչի և սկսնակ մասնագետների միջև ծավալվող գործունեությունը: Այս առումով անչափ կարևոր է յուրաքանչյուր ուսուցչի մասնագիտական որակները, Իսկ ի՞նչ են իրենցից ենթադրում այդ որակները:

Ուսուցչի մասնագիտական որակներից են՝

- հանդուրժողականությունը, սեփական աշխատանքը ծրագրելու և կազմակերպելու, ուսուցման գործընթացն արդյունավետ իրականացնելու, մասնավորապես ավանդական և ժամանակակից մեթոդները զուգորդված օգտագործելու, անվտանգ ուսումնական, հոգեբանական և դաստիարակող միջավայր ստեղծելու կարողություն:
- նորը զգալու և ընկալելու կարողություն, գենդերային անկողմնակալություն:
- քննադատական մտածելակերպ, սեփական գործունեությունը մշտապես վերլուծելու, վերանայելու, ճշգրտելու և կատարելագործելու ցանկություն և կարողություն:
- սովորողի իրավունքների պաշտպանի, երեխային համաձևավորողի, ուսումնադաստիարակչական գործընթացը երեխայի համար հեշտացնողի դերերը մասնագիտական բարձր որակով կատարելու ցանկություն և կարողություն:
- դպրոցի, դասարանի և նրանում կատարվող բոլոր իրադարձությունների և փոփոխությունների մասնակիցը լինելու պատրաստակամություն⁶:

⁶Ա. Թոփուզյան, Մանկավարժական միտք, 2012, «Ժամանակակից ուսուցչին ներկայացվող պահանջները», էջ 13:

Մեթոդական միավորման տարեկան աշխատանքային պլանն իր մեջ ներառում է միավորման աշխատանքի բովանդակությունը, հիմնախնդիրներն ու յուրաքանչյուր անդամի անհատական ու համալիր աշխատանքը: (կազմակերպված աշխատանքի գրավականն է նաև անհատական թղթապանակները, որոնք պետք է ունենան և՛ մ/մ նախագահը, և՛ մ/մ մասնակից անդամները: (տես՝ հավելված 4)): Պլանում կարող են տեղ գտնել հետևյալ դրույթները.

- առարկայի տեսական և դասավանդման մեթոդիկայի հարցեր:
- մանկավարժությունից և հոգեբանությունից մասնագետների ելույթներ:
- ծրագրում ընդգրկված բարդություն ներկայացնող հարցերի ուսումնասիրում և այդ կապակցությամբ մեթոդամանկավարժական գրականության իրազեկում:
- նորմատիվ փաստաթղթերի ուսումնասիրում:
- նոր դասագրքերի ուսումնասիրում:
- միջառարկայական կապերի հարցեր:
- տետրերի ստուգման հարցեր:
- մանկավարժական առաջավոր փորձի ուսումնասիրման և տարածման աշխատանք:
- սեմինարների կազմակերպում՝ գործնականության ապահովմամբ:
- նպատակային փոխադարձ դասալսումների, բաց դասերի իրականացում:
- ուսուցիչների դասավանդման որակի և սովորողների գիտելիքների մակարդակի ուսումնասիրում և արդյունքների քննարկում:
- սկսնակ ուսուցիչների հետ աշխատանքի կազմակերպում և իրականացում:
- քննական նյութի նախապատրաստում:
- ինքնակրթության վերաբերյալ ուսուցիչների հաշվետվությունների ստուգում:
- ցուցահանդեսների, դիդակտիկ նյութերի, զննական միջոցների նախագծում և իրականացում:

- սովորողների ստեղծագործական աշխատանքներ:
- առարկայական արտադասարանական աշխատանքներ:

Այսպիսով, կարող ենք արձանագրել, որ մեթոդական միավորումների աշխատանքը դպրոցում մեծապես նպաստում է կրթության նոր որակի բարձրացմանը և կառուցվում է յուրաքանչյուր անդամի աշխատանքի հիման վրա: Այս օղակի արդյունավետ աշխատանքի դեպքում ուսումնական հաստատությունում չեն առաջանա ո՛չ կարգապահական, ոչ ուսումնական հնարավոր բարդություններ:

Կարծում ենք՝ այս ուսումնասիրությունը դրական ազդեցություն կունենա մեր հետագա մանկավարժական գործունեության ընթացքում գործընկերային հարաբերություններն էլ ավելի խորացնելու համար:

ԵԶՐԱԿԱՑՈՒԹՅՈՒՆ

Ուսուցչի, այդ թվում նաև պատմության, մասնագիտական կարողունակությունների զարգացումն արդի կրթական պահանջների հենքն է, որում կարողունակությունը սահմանվում է որպես ուսուցչի գիտելիքների, կարողությունների, իրազեկությունների և մասնագիտական պատրաստվածության մակարդակ, ինչը հնարավորություն է տալիս արդյունավետորեն գործել փոփոխվող սոցիալական, մշակութային և մասնագիտական իրավիճակներում: Մեր ուսումնասիրության արդյունքում փաստեցինք, որ ուսուցչի մասնագիտական որակների բարձրացման համար շատ կարևոր է գործընկերների հետ համագործակցությունը առարկայական մասնախմբերի աշխատանքների շրջանակներում:

Ժամանակակից կրթությունն ուղղված է սովորողների մտածողության, մասնագիտական նախաձեռնողականության, ինքնուրույնության զարգացմանը, ինչը շատ կարևոր է նոր աշխարհում: Ուստի դպրոցի համար կարևոր է կարողունակ ուսուցիչ ունենալը, ով արագ հարմարվում է փոփոխություններին, կրեատիվ է, կողմնորոշվող, անընդհատ թարմացնում և ավելացնում է իր մասնագիտական գիտելիքները: Վերահաստատենք մեր այն պնդումը, որ առարկայական մեթոդական միավորումներում համակարգված աշխատանքի արդյունքում ուսուցիչը կարող է ունենալ մեծ նվաճումներ, քանի որ միասնական աշխատանքն ուղղված է բոլորի հաղթանակներին, այն է՝ ունենալ բարձր ու նոր որակի ուսումնական գործընթաց:

ԱՌԱՋԱՐԿՈՒԹՅՈՒՆՆԵՐ

- Կազմակերպել քննարկումներ՝ ընդգրկելով կրթության ոլորտի փորձագետներ՝ նպատակ ունենալով նոր կարողունակություններ զարգացնել սկսնակ ուսուցիչների մոտ:
- Արդյունավետ կազմակերպել այն գործընթացը, որ մեթոդական միավորման անդամներից ամեն մեկն ունենա իր կոնկրետ պարտավորությունները:
- Տարբեր հանրակրթական դպրոցների և ուսուցիչների նախաձեռնությամբ ստեղծել միջդպրոցական մեթոդական միավորումներ:

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

1. <https://www.arlis.am/documentview.aspx?docid=114876> ՀՀ Կառավարության որոշում:
2. <http://ipp.am/wp-content/uploads/2018/01/Research-on-Quality-of-education01.08.2017.pdf> Կրթության որակի ընկալումները հանրակրթական համակարգում:
3. Ա. Թովուզյան, Մանկավարժական միտք, 2012 «Ժամանակակից ուսուցչին ներկայացվող պահանջները»
4. Կարինե Թորոսյան, Կարինե Չիբուխյան, Մարինե Մանուկյան «Մեթոդական աշխատանքը դպրոցում»:
5. Մ.Տ. Վարդումյան «Ժամանակակից մանկավարժական մոտեցումներ»

ՀԱՎԵԼՎԱԾՆԵՐ

Հավելված 1.

ՄԵԹՈԴՄԱՎՈՐՄԱՆ ՆԻՍՏԵՐԻ ԱՐՁԱՆԱԳՐՈՒԹՅՈՒՆՆԵՐԻ ՁԵՎԱԹԵՐԹ

Մեթոդի հավորման հրահանգավորված նիստերի արձանագրություն թիվ՝ _____

Անցկացման տևողություն՝ " ____ " _____

Նիստի թեման՝ _____

Քննարկվող հարցերը՝ _____


1. _____
2. _____
3. _____

Նիստերի փարման ընթացքը

1. **Լսեցին՝** _____

- Որոշեցին՝** _____
2. **Լսեցին՝** _____

- Որոշեցին՝** _____



Ինվարիանտ 10. Անհրաժեշտ է վերջ տալ սխոլաստիկային (ձեռակառու-
թյանը): Սխոլաստիկան դպրոցի աշխատանքների և կյանքի կանոնների հա-
մակարգ է, որը նրանից (դպրոցից) դուրս չունի ոչ մի արժեք, բանի որ դպրոցն ի
վիճակի չէ երեխաներին պարտադրել իսկական կյանքի բազմազանությունը:

Առաջարկում են ձեզ սխոլաստիկայի ճանաչման պարզ միջոց: Եթե դուք ու-
զում եմք իմանալ, թե ինչքան է սխոլաստիկ այս կամ այն աշխատանքի ձևեր և
ինչ գույնով, հեքուարար, կարմիր թե դեղին այն պետք է նշել՝ հեքույալ հարցե-
րը քվեք ձեզ:

Եթե ես պետք է անևի այդ գործը՝ կանեի՝ հաճույքով և արդյունավետու-
թյամբ:

Եթե ես լինեի այդ աշակերտի փոխարեն՝ կաշխատեի՝ մեծ ջանասիրությամբ
և եռանդով:

Եթե ես դասարանի դուր թողնեի բաց և երեխաները կարողանային կարա-
րկապես ազատ դուրս գալ դասարանից, ապա երեխաները կշարունակեի՞ն
իրենց աշխատանքը կամ կփախչեի՞ն, որպեսզի զբաղվեն ինչ-որ բանով:

ԹԵՍ

Ձեր կազմակերպած ուսումնական աշխատանքը այնպես հեքաքքիք է,
այնպես է գրավում աշակերտներին և ուսուցիչներին, որ նրանք դրանով զբաղ-
վում են ազատ ժամերին՝ չնկարելով, թե ինչպես է թռչում ժամանակը:

Կանաչ

Դուք աշխատում եք ուսումնական պարապմունքի մեջ մտնել նորի քարերը,
սակայն ժամանակակից դպրոցի և հասարակության պայմաններում դուք չեք
կարող ամբողջովին հրաժարվել սխոլաստիկ մեթոդներից:

Դեղին

Դուք ընդունում եք միայն ավանդական սխոլաստիկ պարապմունքները:
Կարմիր

Ինվարիանտ 13. Գիքելիքները ձեռք են բերվում փորձերի ուղիով,բայց

ոչ կանոնների ու օրենքների ուսումնասիրությամբ, ինչպես մրաձում են: Առա-
ջին հերթին սկսել կանոններից և օրենքներից՝ նույնն է, թե սայլը դնել ձիերից
առաջ:

Կանոններն ու օրենքները՝ փորձի պտուղ են, այլ կերպ դրանք միայն անի-
մասք և անօգուտ ֆորմուլաներ են:

ԹԵՍ

Դուք կազմակերպում եք կենդանի փորձարարական աշխատանք հեքույալ
սկզբունքով.«միայն գնդանի մոտ են դարբին դառնում»:

կանաչ

Դուք համարեղում եք այդպիսի աշխատանքը կանոնների ուսումնասիրու-
թյանը գուք հույսերով, որ դրանք կարող է պետք գան:

դեղին

Դուք կողմ եք դասական ուսուցմանը՝ հիմնված կանոնների և օրենքների
անգիր սերտման վրա:

կարմիր

